

و اولولر نطقه کلوب کندیلرله قونوشه و هر شئی فوج فوج قارشیلرینه ییفسه قینه اللهک دیله دکلرندن باشقه لر ایمان ایدم جک دکلدرد؛ لکن برچوقلری بونی بیلمزلر .

اگر بواقوامک شوصورتله ارتکاب ایتدکاری جهالت حسن نیت سائقه سیله و بر حقیقته اطلاع سودا سیله اولسه یدی معجزه طلبنده اصرار ایدن و صوکنده قبول حقه یا ناشق شویله طورسون، عناد و استکبارینی برقات دها آرتیران سلفلرینک مسلکینی طومازلردی . لکن خوارق طلبنده بودرج لرده مصر اولمالرینه سائق اولان جهل صرف عناد و - و نیت اثری اولدینی ایچین قرآن کریمک هدایتلری طغیانلرینی ، ضلالتلرینی آرتیرمقدن باشقه بر نتیجه ویرمدی . (و قالوا لن نؤمن لك حتى تفجر لنا من الارض ينبوعاً و تكون لك جنة من نخيل و عنب فتفجر الانهار خلالها تفتجيراً و تسقط السماء كما زعمت علينا كسفاً و تأتي باله و الملكة قبلاً و يكون لك بيت من زخرف و وترقى في السماء ولن نؤمن لرقيك حتى تنزل علينا كتاباً نقرأ قل سبحان ربی هل كنت الا بشراً رسولاً قل لو كان في الارض ملائكة بمشون مطمئنن لنزلنا عنهم من السماء مائکاً رسولاً = دیدیلرکه بزیسکا قطعاً ایمان ایدمیز؛ مکرکه بزه یردن بیکار چیقارم سین ؛ یاخود سنک خورما آغاچلرندن ، آصمه لردن بر باغچهک اولسونده اورتی سندن نهرلر آقیده سین ؛ یاخود زعمک وجهله کوکلی اوزریمزه پارچه پارچه ایندیرم سین ؛ یاخود الله ایله ملکلی فوج فوج اوکزدن کچیرم سین ؛ یاخود جواهردن بر اؤک اولسون ، یاخود سماره چیقه سین . . بونکله برابر بزلره اوقویه جغمز بر کتاب ایندیرمدکجه کوکله چیقادیفکینه قابل دکل، ایمان ایدمیز . اولمده دی که : امان یاربی بن رسالته مظهر بشردن باشقه بر شیمی یم؟ کندیلرینه هدایت کلدیکی زمان انسانلری ایماندن منع ایدن سبب، الله بر بشری می پیغمبر اوله رق کوندردی؟ دیملرندن باشقه بر شئی دکلدی . کندیلرینه سویله که : اکر یر یوزنده اختیار اقامت ایدرک دولاشان ملکک اولسه یدی بزه اولمده کوکدن بر ملک پیغمبر کوندردک .)

مشرکله اهل کتاب برچوق زمان علیه الصلاة والسلام افندیمزی تکذیب ایندیلر؛ اورسول محترمی اینجیتمکده و کوره جکلری بر معجزه قارشینده مطلقاً ایمانه کله جکلرینی سویلکده اصرار ایدوب طور دیلر . اکر عادتک فوقه چیقان معجزه لر ارباب عنادی بهمه حال منقاد ایدم جک براهین زمره سندن اولسه یدی البته جناب حق رسول محترمی اونک بی نهای اولان انواعله تأیید بویورردی . لکن اولجه کوندیرلن خوارق قارشینده بنی و ضلالتلرینه برقات دها صاریلان اقوام سالنه نک حالی علم الهیسنه مجهول اولمادی ایچون الله ذوالجلال اسلامی آنجا اودین مینک فطرتنه اوینون کله جک و هیچ بر معاند ایچین معارضه سنه امکان بولونمایه جق بر معجزه می مؤید قیلدی که اوده قرآن

کریمدر . (اولم یکفهم انا نزلنا عليك الكتاب يتلى عليهم ان في ذلك لرحمة و ذکر لى لقوم يؤمنون - یوقسه اولمده کندیلرینه تلاوت ایدمکده اولان کتابی ایندیریشمزد می یتشمیور؟ شبهه یوقدرکه اوندی ایمان ایدن قوم ایچین هم رحمت ، هم موعظه واردر .)

فرقان کریمک آیات حکیمه سی تدقیق ایدنلر کورورلرکه علیه الصلاة والسلام افندیم نه زمان معجزه طلبنه معروض قالس لر طالبلره حتی نور علم و هدایت بوللرندن بولمادی توصیه بویورورلر و ارباب اصراری بعضاً جاهل ، بعضاً غافل تعبیرینه لائق کورورلردی . رسول محترم صلی الله علیه و سلم افندیم طرفندن بواجملرک آرزولری اسعاف ایله لیدیکنه دائر قرآنده بر شئی کورم یورز . نیتیم شوایت کریمده بوجهت صریحدر : (و ما منعنا ان نرسل بالآیات الا ان کذب بها الاولون و آتینا نوحاً الدائقة مبصرة فظلموا بها و ما نرسل بالآیات الا تخوفاً) ابن جریر طبری نوایت جلیلک تفسیرنده شوسوزلری سوبایور :

« ذکر می مالی اولان حکیم ذوالجلال بویوریورکه : یا محمد قومکک ایستدیک خوارق کوندرمکدن بزی منع ایدن آنجا شوایدی : کندیلرندن اول کلوب کچن منکر امتلرده عینله بونلرکی طلبنده بولوندیلر . ایستدکاری کوندیریلنجه تصدیق جهته یا ناشمادیلر . بونک اوزرینه عذابلری تمجیل ایدلدی . بناءً علیه سنک قومک ایستدکاری معجزاتی کوندرمیشمزد سلفلری کی تکذیب ایدرک جزای سزالرینی کورمه ملری ایچوندرد . »

دوئی و بوکونکی اسلامیت

مدرس فاضل ، طلبیه ، بوکونکی اسلامیتک دوئی اسلامیت اولمادیغنی تلفین بیورمش . بوسوزک سیدانه برسوز اولمادیغنی قائلره تاقین ایتک وظیفه سی ده بزه دوشویور . عصر سعادتده کی اسلامیت ایله اعصار متلاحقه ده کی اسلامیت آره سنده بشقعلق حصوله کتیره جک آنجا اوج سبب تخیل اولنه بیلیر : احکام اسلامی بی یا تحریف ، یا تزئید ، یاخود تنقیص ایتک . بو اوج سبیدن هر هانکیسیله بشقه بر شکله کیره جک اسلامیتک احکامی ده ، عمومیت اعتباریله اوج نوعدر : اعتقادات ، عبادات ، معاملات . بز ، عصر سمادنده کی ارکان ایمان و اعتقاد ایله اعصار متلاحقه ده کی ارکان ایمان و اعتقاد آره سنده ، یا تحریف ، یا تزئید و یاخود تنقیص ایدمک صورتیله حصوله کلش بر بشقعلق کورم یورز . ارکان ایمان و اعتقاد ، کیت و کیفیت اعتباریله دون ناصل ایدیس ، بوکونده ایلدر . دوئی مسلمانلر اللهک وارلغه ، بلکه ، ملائکه می ، کتب منزله می ، رسل مبعوثیه ، حشر و نشره ، قضا و قدره ، خیر و شرک خالق الله اولدیغنه ایمان و اعتقاد

ایتمکه مکلف ایدیلر . بو کونکی مسلمانلرده ، عین اساسات اسلامیه ایمان و اعتقاد ایتمکه مکلف بولسورلر . ارکان ایمان و اعتقادک دونکی و بو کونکی کیت و کیفیتلری آره-سندده ، تحریف ، تزئید ، تنقیص سورتلرندن هانکی سبیلده حصوله کلش بر بشقعلق وارسه ، بوقطانی سنور و توضیح سورمه سی مدرس محترمک عهدده مسئللیته حواله ایدیلده جاک بر وظیفه اسلامیه در .

عصر سعادت کی ارکان عبادات ایله اعصار متلاحقه ده کی ارکان عبادات آره-سندده کیت و کیفیت اعتباریله یا تحریف ، یا تزئید و یا خود تنقیص ایتمک صورتیله وقوعه کلش بر بشقعلق اثری کوزمنه ایلشمیور . ارکان عبادات کیت و کیفیت اعتباریله دون ناصل ایدیه ، بو کونده اوله در . دونکی مسلمانلر ، اوروج طوتمق ، نماز قیلماق ، حج ، کیتماق ، زکات و یرمک ، کلمه شهادت کتیرمکه مکلف ایدیلر . بو کونکی مسلمانلرده عین احکام تعبدیه ایله مکلفدرلر . اگر بو ارکان تعبدیه نیک دونکی و بو کونکی کیت و کیفیتلری آره-سندده ، تحریف ، تزئید ، تنقیص سورتلرندن هر هانکی سبیلده حادث اولمش بر بشقعلق وارسه ، مدرس ممتازک ، بشقعلق سبب مولدنی تعیین ایتمی و کیفیتی امشه جزیه ایله توضیح سورمه سی لازم کلیردی . مهم و عمومی بر افاده ایله ، بو کونکی اسلامیتک دونکی اسلامیت اولمادیغی طایفه به تاقین ایتمک سیدانه بر تلقین دکلدر . طلبه ، دونکی اسلامیت ایله بو کونکی اسلامیت آره-سندده بشقعلق بولندیغی سوزنی ایشیدنجه ، دونکی اسلامیتک طوغرو اولدویغنه و بو کونکی اسلامیتکده طوغرو اولمادیغنه حکم ایدیه جک درجه ده فکر و منطقه مالکدر . دکل طایفه علوم ، عرام ناس دخی اوسوزدن بو نتیجه یی چیقاریر . یالکزه ، عصر سعادت تعبدیه یی طوتماسی هر کسک بویله بر نتیجه چیقارمه-نه کافی کلیر . دونکی اسلامیتک طوغرواغنه حکم ایتمک بو کونکی اسلامیتک طوغری اولمادیغنه حکم و یرمکی استنباع ایدر . بو حکمده ، طلبه نیک اعتقادات و عباداته قارشلی اهمالکار بر وضعیت آلماسنه سبب اولور . تلقینات خیرخواهانک بویله بر سوء نتیجه منجر اولماسی بزمه برابر کندیشکده تأسف ایدیه جکی بر کیفیتدر . ایسترسوء تلقیندن متولد اولسون ، ایسترسوء تلقی یوزندن وقوعه کلش بولمسون ؟ اورته ده مضر بر نتیجه وار . طلبه نیک ذهنده - افراد اهالی یه ده سرائی قوتله ماحوظ - بویله مضر و مهلک برحس و فکرک بر طوتماسنه میدان و یرمه مک ایچون ، خطاب مستطابمزی - موقفا - مدرس بکدن طلبه علومه تحویل ایدیه رک دییه جکزه : « ایدیلر ؟ عصر سعادت کی ارکان عقائد و عبادات ایله اعصار متلاحقه ده کی ارکان عقائد و عبادات آره-سندده تحریف ، تزئید ، تنقیص سورتلرندن هیچ بریله حصوله کلش بر بشقعلق یوقدر . مدرس محترمک کونک ، اوکار و تلقینات قریبه کز علیمه اولاراق افاده ایتمی بولندیغی (بشقه) تلقی دعواسنی بالینه اثبات ایتمی امکانشدر . دعوی مجردله قدیم افکار

و تلقیناتکزی د کیشدیرمک خفت علمیه سی کوسترمه ییکزه ؛ منع حج علمیه لر ایله تأیید مدعا ایتمک قدرتی کوسترمه بیلیرسه ، بنده ، سزکله برابر ، قدیم افکار و تلقیناتی تبدیله آماده می .

معاملات عاذا احکام اسلامیه ده ، عمومی بر تقسیم ایله . ایکی قسمه آیریلیر : احکام منصوصه ، احکام اجتهدیه . احکام منصوصه یی تحریف ، تزئید ، تنقیص ایتمک نص قطعی ایله نهی بیورولمشدر . نص قطعی قارشیشنده ، احکام منصوصه یی تحریف ، تزئید ، تنقیص صورتلریله نحوه اوغراتما یی علمای اسلام کفر تاقی ایدر . مدرس محترمک عصر سعادت کی احکام منصوصه ایله اعصار متلاحقه ده کی احکام منصوصه آره-سندده - بشقعلق کورمه سی علمای اسلامی دونکی احکام منصوصه ایله بو کونکی احکام منصوص آره-سندده یا تحریف ، یا تزئید و یا خود تنقیص صورتیله - بشقعلق حصوله کتیرمکه اتهام ایتمکدرکه بواتهامک ایچ یوزی تکفیردن عبارتدر . عجبا ؛ مدرس بکک اوموزلری بوقادار آغیر بر اتهامک مسئولیت معنویه سی اوزرینه آلاچق درجه ده متین و قوتلی می در ؟ حقیقت حاله کانه ، عصر سعادت کی ارکان عقائد و عبادات ایله اعصار متلاحقه ده کی ارکان عقائد و عبادات آره-سندده ، تحریف ، تزئید ، تنقیص سورتلرندن هیچ بریله وقوعه کلش بر بشقعلق بولمادیغی کی ، دونکی احکام منصوصه ایله بو کونکی احکام منصوصه آره-سندده دخی اوسورتلرندن بریله حادث اولمش هیچ بر بشقعلق یوقدر . اگر بزم ، جنم علمیمزده کی رؤیت ضعیفی دونکی و بو کونکی احکام منصوصه آره-سندده ، وارلی ایلا اولنان بشقعلقلری کورمه-منه بر مانع تشکیل ایدیورسه ، محترم مدرسک ، تلذیتمک عمومیتدن متولداسر اراکیز مهمیق بر قاج امشه جزیه ایله ازالهیورمه سی بزی رظلمت مطلقه ایچنده قالمقدن فورناره بیلیر ایدی . احکام اجتهدیه ده تحریف ، تزئید ، تنقیص موضوع بحث اوله ماز . بر مسئله مجتهدیه مخالف دیگر بر مسئله استنباط ایدله کی واردر و جوقدر . فقط ، هیچ بر مسئله مجتهدیه نیک تحریف ایدله کی واقع دکلدر . تحریف وقوعی قبول ایدمک لازم کلمه ، بوجرم ایله متأخرین فقهای مهم طوتمق مجبورت منطقیه-نده قالیرز . حال بوکه ، مدرس بکک متأخرین فقهای متقدمین فقهایک اقوال اجتهدیه-نه باغلانوب قالمقله اتهام ایتش ایدی . استاذلرینه بو درجه مربوطیت کوستره ن تلذیرک قدیم مسائل اجتهدیه یی تحریف ایتدکارینه احتمال و یرمک مدرس فاضلک « یکون » تناقضلرینه بر تناقض دهسا علاوه ایتمک اولور . احکام اجتهدیه احکام منصوصه به علاوه ایدمش احکام زائده ماهیتده دکلدر . بلکه حادثات حزیه یی نصوص عمومیه به ارجاع وادخال ایتمکدن عبارتدر فقها بو صورتله اسلامیه و مسلمانلره حجاب خدمت لرایفا ایتشلردر اولنلرک بو خدمت مشکوره لر نی اسلامیتک ماهیت سهاریه-نی ده کیشدیردن بر اهانت تلقی ایتمک باشلی باشنه بر اهانتدر . مجتهدلرک همت و غیرت لری اولماسه ایدی ، اسلامیت ایشله تیلیمه مش بر معدن حالنده قالیردی ربز ، اودهب و فضه معدنندن مستفید اوله ماز .

ایده . احکام اجتهادیه اگر تزیید تلقی ایدیه جک ایسه و دونکی اسلامیت ایله بو کونکی اسلامیت آرسنده ، وقوهی تخیل اولنان بشقهلق اگر احکام اجتهادیه ن ایلری کلیورسه ، و بوده اسلامیت علمنه ارتکاب ایدلمش بر جرم ایسه ، مدرس نماز مژک بر طرفدن تزییددن شکایت ایتسه ، دیگر طرفدن ده میدان اجتهادده متادیا « اقول » دیمک ایسته مننه نظراً ، هم « یکون » تناقضلری بر آرز داهاقبارمش ، هم ده عین جرمی ارتکابه صوک درجه هوسکار بولندی آکلاشلمش اولور .

احکام اجتهادیه نصوص عمومیه نیک ، بزه عائد بولان مجملاتی تفصیل ، مهماتی توضیح و تفهیم - یردن عبارتدر دیش ایده ؛ بزم بو طرز تلقیمز اگر طوغری ایسه ، احکام اجتهادیه نیک عصر سعادتده کی اسلامیت ایله اعصار متلاحقه ده کی اسلامیت آرسنده بشقهلق تولید ایتمش اولماسی شایان التفات بر نقطه نظر دکدر . احکام اجتهادیه نیک ، تنقیص صورتیله ، دونکی اسلامیت ایله بو کونکی اسلامیت آرسنده بشقهلق حصوله کتیرمش اولدیغی قبول ایتمه من لازم کلسه ، مدرس بکک بوتنقیص کیفیتدن مشتکی دکل ، نمون اولماسی کندی برنسبی مقتضاسیدر . چونکه کندیسف او یولک یولجیلرینه التحاق ایتمش کوریورز . مجتهدلر عصر سعادتده کی اسلامیت ایله اعصار متلاحقه ده کی اسلامیت آرسنده برکونا بشقهلق احداث ایتمه مشدر . یالکز یکی مجتهدلرک بویه بر بشقهلق احداث ایتمه لرندن قورقیورز . و بوبشقهلق ده تنقیص صورتیله حصوله کتیره جکلرینی - امثال واقعہ سندن - آکلاپورز .

یقین برماضیده ، عیدالله افغانی اسمنده یکی بر مجتهد ظهور ایتشدی . احکام اجتهادیه سنی آیا صوفیه جامع شریفی کرسی سندن جماعت اسلامیه به تبلیغ ایدرکن ، قدوم مجتهدانه لرله شرفیاب ایتدیکی مملکتلرده یوزلرجه مسلمانلری فریضه حجی ایفادن واز کچیردیکنی - اللهه حمد ایدرک . . . آکلاتیور ایدی . دیگر بر عیدالله افغانی ده ، بزی فریضه صلاتی ترک و یالکز نراحت قلبیه ایله اکتفایه تشویق ایدیه جک احکام اجتهادیه نشریله مشغول بولنیور . شمدیلک یالکز اغنیایی فریضه صومدن آزاده طومایه چالیشان یکی مجتهدلر ده معلوم زدر . بالذات مدرس ممتاز مزده ، بعض حادثه لریک احکام اسلامیه ایله علاقه لرینی کسمک لز می طلبه علومه توصیه بیورمشدی . ایشه بوکی اماره لر یکی مجتهدلرک ، دونکی اسلامیت ایله بو کونکی اسلامیت آرسنده ، تنقیص صورتیله بر بشقهلق احداث ایتک ایسته دکلری ظنی تولید ایله یور . اسکی مجتهدلر ایله یکی مجتهدلر آرسنده کی فرقی مختصر بر افاده ایله ایضاح ایتک لازم کلیرسه ، دیزله بیلیرکه اسکی مجتهدلر هر حادثه یی دائرة اسلامیه اداخله چالیشیوردی . یکی مجتهدلرایسه ، بالعکس ، هر حادثه یی دائرة اسلامیت خارجه چیقارمق برنسببی تعقیب ایدیور .

مدرس محترمک کوردیکی بشقهلق دونکی اسلامیت ایله بو کونکی اسلامیت آرسنده دکل ، دونکی مسلمانلر ایله بو کونکی مسلمانلر آرسنده واقعدر . اوت ؛ بو کونکی مسلمانلرک حال وخر کتلیری دونکی مسلمانلرک حال وخر کتلیری کبی دکدر . دونکی مسلمانلر هر حال وخر کتلیری احکام اسلامیه به توفیق ایتک صمیمیت دینه سنی کوسرتمک چالیشیوردی . بو کونکی مسلمانلرایسه ، بالعکس ، هر حال وخر کتلیری احکام اسلامیه دن اوزا قلاشدیرمایه چالیشیور . دونکی مسلمانلر عبادات مفروضه ن بشقهلق ، مندوب ، مستحب عبادتله ایله ده تأیید عبودیت ایدیوردی . بو کونکی مسلمانلرایسه ، بالعکس ، عبادات مفروضه یی ده اهل ایدیور .

علمادن بری حاضر جواب بر کیمسه دن مسلمانلق شرطلرینک قاج اولدیغی صورمش ؛ اوده « بر » اولدیغی جوابی ویرمش ، کشف بر جهالت دینه یی تمیل ایدن بو جواب خواجه افندی یی حیرته دوشورمش و بناء علیه حدته کتیرمش ، آجیق کوز آدام : خواجه افندی ؛ نیچون حیرته دوشوبورسکز و نیچون حدته کلیورسکز ؟ . اغنیایه حج وزکاتی قالدیردی ، فقراده صوم و صلاتی ترک ایتدی . بناء علیه اورتاده یالکز کله شهادت قالدی ، آنک ایچون « بر » در دیورم . سوزوم طوغری دکلی در ؟ . مقابله ملزمانه سنده بولمش .

دونکی مسلمانلر عبادات دینه یی وظیفه عبودیت تلقی ایدیوردی . بو کونکی عبادتله اعتیاد و مراسم حالنده اجرا اولنیور . دونکی مسلمانلر زهد و تقوی یوللری اوکره نیک ایچون علمایه مراجعت ایدیوردی . بو کونکی مسلمانلرایسه ، بالعکس ، حیل و فساد یوللری اوکره نیک ایچون مراجعت ایدیور . نهایت : دونکی مجتهدلر اهالی اسلامیه نیک مربوطیت دینه سنی تقویه ایتک چالیشیوردی . بو کونکی مجتهدلرایسه ، بالعکس ، اورابطه یی چوزمک و کوشتمک غایه سنی تعقیب ایدیور . اگر امللرینه واصل اولورلرسه ، شمدی به قادار ، دونکی اسلامیت ایله بو کونکی اسلامیت آرسنده کورمه دیکمز بشقهلقی شمدیدن صوکره کورمش اوله جغز . (لافدرالله) بحی عقیف

نصیح . - یکن (اجتهاد و تقلید) مقاله سنک صوک صحیفه سنده ایکی مهم سهو ترتیب وارد . بری برنجی ستونک ایلک سطر باشنه مصادف ایکنجی فقرده واقعدر . سهولی شکلی شویله در : « علم فقه بر مبداء کامله مستند اولان علم فقهک اساساتی بذاته کاملدر . »

طوغری شکلی ده شویله در : « علم فقه بر مبداء کامله مستنددر . بر مبداء کامله مستند اولان علم فقهک الخ »

ایکنجی ایکنجی ستونک یته ایلک سطر باشنه مصادف بشنجی فقرده واقعدر . سهولی شکلی شویله در . « اونی ضرری قبول ایله الزام ایتک نه نظری نه ده عملی اساسات حقوقیه به توافقی ایتمین بر معامله ده معقول اوله ماز . »

طوغری شکلی ده شویله در : « اونی ضرری قبول ایله الزام ایتک نه نظری ، نه ده عملی اساسات حقوقیه به موافقی دکدر . نظری و عملی اساسات حقوقیه به توافقی ایتمین الخ »